

(تاریخ قسطنطنیه) (مابعدی)

قسطنطین استانبولک بناسیچون صرف ایش اولدیغی مبالغ
جسمیه یه قارشولق اولق اوزره استانبول سکنه سنی هر درلو
تکالیفدن معاف طو تد یغی حالده ممالک سائر سنده اولان بالجه
ارباب حرف وصنایع و حتی سئله کروهنه واما کن فحشیه یه اغرویر کولر
طرح ایلدی .

بعض مؤرخلر رومادولتی شمرق و غرب ایمپراطورلغی نامیه
ایکی به تقسیم اولته رق استانبولک شرق ایمپراطورلغیه پایتخت
اتخاذ اولمسی غرب ایمپراطورلغیک باعث انقراضی اولدیغنه ذاهب
اولمشلر ایه ده رومادولتک حالی ارتق قابل اصلاح اولماق
درجه سنه کیش ایکن ممالک شرقیه سنده حکومتک بیک سنه ده
پایدار اولسی مجرد استانبول موقع مهمتک ثمره سی اولدیغی
ارباب الباب عندنده مسلدر .

اوج یوزیدی تاریخنده ایران شاهی شاپور بلاد جزیره دن برقاچ
ایالتک استردادینی طلب ایلدیکندن قسطنطین اردوسنی استصحاب ایل
شاپور اوزرینه کیدر ایکن ازمید جوارنده خسته لنوب سنه مذ کوره

شهر مایسنک یکر می ایکنیسنده وفات ایلدی . مشار الیهک سنی التمش
 ومدت سلطنتی اوتوز سنه در . جنازه سی برالتون تابوت ایچنه
 موضوعا استانبوله نقل واون ایکی حواریون نامیله فاتح جامع شربنی
 جوارنده بنا کرده سی اولان بیوک کلیساده سماقی هر مردن مزاره
 دفن اولندی . کرک خریستانلر و کرک بتپرستانلر مشار الیهی کندو
 دینداشلری عدا ایتدکاری جهنمه وفاتندن صکره خریستانلر
 اولیالری درجده سنه و بتپرستانلر ایسه سائر ایدرا طورلری کی الهلری
 مرتبه سنه ابصال ایلدیله

وفاتندن ایکی سنه ازل ممالکنی اوچ اوغلیله ایکی یکنی بیلنده تقسیم
 ایلش ایسه ده وفات ایلد کده سنا تو واهالی و عساکر قسطنطنینک
 اوغللرندن بیلنده سنه بیعت ایتک استمد کارندن نفقات عسکریه
 قسطنطنینک برادرلری و یکنلری و سائر اقربا و طر فیدارلری
 علیهنه قیام ایله کافه سنی اعدام ایلدیله . یالکز قالون واپولیانوس
 نام صغیرالسن ایکی یکنی تخلص کریبان جان ایده بیلشلردر
 بعدده قسطنطنینک اوچ اوغلی ممالک موروثه لرینی پدرلرینک
 وصینساده سی موچه بیلارنده تقسیم ایدرک بیوک مخدومی
 قسطنطنین فرانسه و اسپانیا و انگلتره یی و ولی عهدی اولان
 ایکنجی مخدومی قسطنطنیس مصر و سوریه و اناطولی و روم ایلی
 و یونانستان و جزایر بحر سفیدی و اوچنجی مخدومی قسطنطنی دخی
 ایتالیا و روم ایلینک جهت غریبه سنی وافر یقایی الدیلر . برقاچ
 سنه صکره هر نصل ایسه بریجی زاوچنجی مخدوملری محاربه لرنده
 وفات ایلد کلرنده بونلرک ممالکنی ماغنسس و طرایانوس غصب
 ایلد بکندن برادرلری قسطنطنیس مذکور متغلبلرک علیهنه قیام ایله

اوج یوزاللی یاریخنده حکومت غریبه بی استیلا و بعد ایلوینوس نام
 عزاده سنی قیصر عنوانیه فرانسه اداره سنه تعیین ایلدی .
 بیوک قسطنطین زمانده خرسینا نلرایکی بیوک فرقه یه منقسم اولوب
 بری حضرت عیسا نك الوهیتی قبول و دیگری رد ایدرایدی .
 فرقه اولایه قاتولیک و اورطودوکس تسمیه اولوب فرقه ثانیه یه
 دخی رئیس اولان (اریان) نام پسقیوسه نسبتله اریانی دینلورایدی .
 قسطنطین اول امرده قاتولیکلری تصاحب ایتش ایسه ده
 صکره ارمانیلری التزام ایلدیکی مثالو اوغلی قسطنانس دخی اریانی
 طرفدار غیوری اولوب عادتاً امور دولتی ترک و اهمال مسائل
 دینییه ایله اشتغال ایدرایدی . ^{معهده} حکومتده اریان مذهبی خیلی منتشر
 اولدی و وایکی فرقه یکدیگر یله ^{معهده} منازعه دن خالی اولوب
 حتی استانبول بطریق قاتولیک مذهبنده اولدیغندن عزل و طرد
 ایله برینه اریان مذهبندن بر پسقیوس نصب اولندی .
 بو کیفیت فریقین ^{معهده} بیسده ^{معهده} حجاج مقابله اولوب عسکری طائفه سی دخی مداخله
 ایتد کدن صکره محاربه بر طرف اولدی و اریان پسقیوسی بطریقلکده ایضا
 قتلندی . ^{معهده} اشبو مقابله ده طرفیندن اوج بیکنن مجاوز ادم تلف اولمشدر .
 قسطنانس اهالی استانبولک شو حر ^{معهده} کتدن ^{معهده} منفعل اولدیغندن
 بونلره توزیع ایلنق اوزره مصر دن کلان ^{معهده} حظه نك یاریسنی قطع ایلدی .
 مشارالیه پدری ایامنده نا تمام قالمش اولان ایاصوفیه و دیگر ابنیه بی اتمام
 و مجددا بعض ابنیه انشا ایتشد . ^{معهده} کتدوسی اهل عفت و قناعتدن
 ایسه ده رخاوت و جبالتله برابر ظالم و افکار باطله به معتقد اولوب
 حتی بر متوال محرد پدربنک و فائنده عوجه و سایر اقربا و متعلقا تنک
 اعدای کندوسنک تحریرکنه اسناد اولنور . ایام سلطنتنده ایران شاهلی

شاپور ايله بالدفعات محاربه ايتش ايسه ده نهايتنده غلبه ايده مامشدر .
 اوچ يوز او توز سنه سنده كرك سالف الذكر ايو ليا نوسك قوتنى
 تقليل ايتك وكرك ايرانلو عليهنده استخذا م ايتك ايچون هر نه سببه
 مبنى ايسه مشار اليهك تحت اداره سنده اولان فرانسه عسكرينى
 طلب ايلد كده عسا كر مر قومه بويابده عدم موافقتله ايو ليا نوسى
 او كوست عنواننى ويره رك ايمپراطور انتخاب ايلدي لر . بو كيفيت
 مشار اليه هما يئنده اعلان حربى داعى اولوب قسطنانس ايو ليا نوس
 اوزرينه كيدر ايكن اثنائ راهده خسته لنوب اوچ يوز ايتش برسنه سى
 شهر تشرين ثانيك اوچنده وفات ايلشدر .

مشار اليهك سنى قرق بش ومدت سلطنتى يكرمى بش سنه در .
 اوغلى و بشقه رقبى اولديغى جهتهله ايو ليا نوس بلامانع و مزاحم
 ممالك شرقيه بى دخی ضبط واستيلا ايلدى واستانبول سنا نوسى
 دخی ايمپراطور لغنى تصديق ايلكله مشاراليه اوچ يوز ايتش برسنه سى
 كانون اولك اون برنده استانبوله وصول وعظيم الاى ايله دخول ايلدى .
 برقاج كون صكره قسطنانسك جنازه سى ورود ايلديكندن كال
 احترام ايله استقبال ايدوب حواريون كليسا سنه دفن ايتد يردى .
 ايو ليا نوس اوچ يوز اوچ تاريخنده استانبولده تولد ايدوب بالاده
 بيان اولنديغى وجهله يكرمى ديت ياشنده اولديغى حالده قسطنانس
 طرفندن قيصر عنوانيله فرانسه اداره سنه تعيين اولند قده
 اولوقت (لونس) تسميه اولتان پارس شهرينى مقر حكومت اتخاذا
 وجرمانىالورايله چوق محاربه ايدوب شهرت و شان قزائمشدر .
 مشاراليه عالم و عادل و جسور و غيور بر حكمدار اولوب
 فقط اعتقادات باطله يه و بالخصوص يونان آلهه سنه معتقد ايدى

و بونلر کویا رؤیاده کلوب کند و سنه افکار صائبه و نصایح مقبوله القی
واللهام ایتد کلرینی زعم ایدر ایدی ورو ما دولتک شان و شوکتی
بتپرست مذهبک کرامته جل ایدوب دولت مذکوره نک انقراضی
نصرانیت تمسکدن نشأت ایش او لد بغنه ذاهب ایدی . کسب
استقلال ایدنجیه قدر خرسیتانلره و قسطنطنیه مدارا ایدوب
صورتا خرسیتان و باطن بتپرست ایدی . فقط مستقل امپراطور
اولد قدن صکره دن عیسوی یه زیاده خصوصیت اظهار و بونلر
ابطالیه بتپرست مذهبک آخیا سنه پک چوق سعی و اهتمام ایلدی .
انجسقی بویولده سفک دما بی قطعاً تجویز ایتیموب بالکرا قناع
وسائر صور مصالحانه ایله بو مقصدک حصوله چالشمش و مأ موریت
عسکریه و ملکیه دن خرسیتانلری اخراج ایلشدر و بونلرک خواجه لقی
ایللرینه مساعدده ایتدی و سلفلری قسطنطنین و قسطنطنیس
زماننده سد اولمش اولان بتخانه لری کشاد ایلدی . اشته بوسینه مبنی
خرسیتانلر مشارالیه عاصی معناسنی متضمن (اپوستاتیس)
تسمیه ایلدی

چوق وقتدن بروم امپراطورلرینک سفاهت و احشامی افراط
درجه سنه واروب بو کیفیت مملکتک مایه ثروت و سامانی اتلاف
ایدر ایدی . روایت اولند بغنه کوره سرایده بیکدن زیاده اشجی
وایکی اوچ بیک قدر بربر وایکی بیک قدر خادما اغاری اولوب
بونلرک هر برینک دخی ایری خدمتکاری وار ایدی و سائر خدمه
و مصارف بوکامقیس اولوب سیرایک مصارفی عمومادولت عسکرینک
مصارفدن زیاده ایدی . مشارالیه ابولیانوس زیاده سیله قاعده
تصرفه رعایت ایلدیکندن سیرای خدمه سنک عددی تقابل

و مصارف زائده بی تعدیل ایلدی و معایر حقانیت اولان حالانکه
مذعیله قوانین عاله و مستحشده وضع ایلدی. استانبولده قادر غه
لیمانی اسمیه معروف محله بر نفیس لیمان انشا و اسباب لازمه ایله
تزئین و سزایندده کتب و افره بی شامل بر کتابخانه بنایندوب
سناویه بعض امتیازات اعطا ایلدی.

مشار الیه مشاهیر حکمای یونان دن فیثاغورس مذهبنده اولوب
تئاسخه قائل اولدیغندن کویا بیوک اسکندرک روحی کند و سنه
حلول ایتش زعمده ایلدی و بوجهنله اسکندرکی جهانگیر اولمق
داعیه سنه بولند یغندن اوچ یوز التمش ایکی سنه سنه انا طولی به
کچه رک ارمنستان و بلاد جزیره بی و الیوم مداین نامیه معروف
شهر قدیمی ضبط و استیلا ایلد کدن صکره کردستانه دخول ایلدی.
انجق ایران عسکری مملکت مذ کوره بی اولجه تخریب و احراق
ایتش اولدیغندن رجعت مجبور اولدی.

شهر جزیرانیک بکر فی التیسندده ایران عسکر یله وقوعبولان
محرار به سنه غالب کیش ابدده اثنای حریده مجروح اولوب بکرمی
ذرت ساعت صکره متأثر اوفات ایلدی. سنی اوتوز ایکی سنه و استقلال
اوزره مدت سلطنتی یالکز بکرمی ماهدر. مشار الیه طرسوسده
مدفوندر.

(فاردیس)

(مابعدی صکره)

(تاریخ قیصر روم)

چشمهلو فرانسه امپراطوری حضر تلرینک تألیف کردی اولان